



**YEHOVA  
AMAMVA  
NDIPO  
AMALANDITSA**

Phunziro 4, January 27, 2024








**“Olungama amafuwula, ndipo Yehova  
amawamva; Iye amawalanditsa ku  
mavuto awo onse”** (Masalimo 34:17)



**Yehova sali Mulungu wakutali kapena wongokhala chete.  
Iye amatidziwa, amatisamalira, amatiteteza komanso  
amatimasula.**

**Mulungu amatimva ndipo amachita zinthu m'malo  
mwathu. Izi ndi zomwe zinachitikira ana alsraeli; komanso  
zimene zinachitikira olemba masalimo amene anafuulira  
kwa Mulungu mu nthawi ya mavuto.**

**Sitiri tokha mu nthawi ya mavuto athu; tili ndi Ambuye  
amene amatiteteza.**



- **Ambuye Amadziwa(Psalm 139).**
- **Ambuye Amasalira (Psalm 121).**
- **Ambuye Amateteza(Psalm 17).**
- **Ambuye Amamasula(Psalm 114).**
- **Ambuye Amamva ndipo Amalanditsa.**



# AMBUYE AMADZIWA

"Inu Yehova, mwandisanthula ndipo mukundidziwa." (Masalimo 139:1)


Davide akudziwa kuti moyo wake wonse sungabisale pamaso pa Mulungu (Masalimo 139:2-3). Mulungu anamudziwa kale iye asanabadwe, chifukwa iye anamukulitsa m'mimba mwa mayi ake (Masalimo 139:13-16 ).

Mungathe kukumana ndi Mulungu kulikonse kumene mungapite, chifukwa Mulungu ali paliponse. Ngati mutakwera kupita kumwamba, iye ali kumeneko; Mukatsikira kunsi kwakuya kwambiri (sheol), iye adzakupezani komweko; Ngati mutembenukira kum'mawa (mapiko a m'bandakucha), adzakutsogolerani; Mukapita kumadzulo (kumalekezero a nyanja), dzanja lake lidzakutetezani ( Masalimo 139:7-10 ).



Palibe malo amdima waukulu woti angathe kukubisani pamaso pa Mulungu (Masalimo 139:11-12). Koma Davide sanafune kuthawa. Amafunitsitsa kuti Mulungu amuyese. Yesetsani kusiya zoipa ndi kuhala mmoyo wolungama umene umakondweretsa Mulungu, (Masalmo 139:17-23).

Amadziwa kuti akalephera, Mulungu adzawongola njira zake ( Masalimo 139:24 ). Kodi ziz zimakuchitikirani pa ubale wanu ndi Mulungu?



# AMBUYE AMASAMALIRA

“Yehova adzakuteteza ku zoyipa zonse; adzasunga moyo wako” (Masalimo 121:7)

Ngakhale zinthu zitafika povuta bwanji, Mulungu amamva (Masalimo 130:1-2). Pamene timufuulira, lye amachita zinthu m'malo mwathu (Masalimo 9:10). Pali chiyembekezo kwa onse ofuna kukoma mtima kwa Yehova (Masalimo 16:8).



Mu Masalimo 121 timapeza malongosoledwe a Mthandizi, Wothandizira ndi Wotiyang'anira:



Sadzalola kuti titerereke munjira ya moyo wathu(v. 3)

Amatiyang'anira nthawi zonse (v. 4)

Amateteza ku kuthupi komanso kuuzimu(v. 5-6)

Nthawi zonse amakhala mbali yathu kutitetezera(v. 7)

lye adzatisamalira nthawi zonse komanso kwina kulikonse(v. 8)

Kodi mungapite kuti kukafuna thandizo zinthu zikavuta? Kumapiri? Kwa a mphamvu azachuma? Kwa amaulamuliro andale? Kwa achibale athu kapena anzathu? (Masalimo 121:1).

Ngakhale kuti akhoza kutithandiza, onsewa akhoza kutikhumudwitsa. Pali Mmodzi yekha amene salephera: “Thandizo langa limachokera kwa Yehova, wolenga kumwamba ndi dziko lapansi” (Masalimo 121:2).



# AMBUYE AMATETEZA

"Mundisunge ine ngati mwanadiso; mundibise mu mthunzi wa mapiko anu" (Masalimo 17:8)



Pokhala m'moyo wodalira komanso wogwirizana ndi zimene Mulungu amayembekezera kwa iye, Davide anapempha kuti akhale wotetezera wake (Masalimo 17:1-5).

Olemba masalimo anagwiritsa ntchito fanizo la mbalame ponena za mmene Mulungu amatitetezera:

"Adzakuphimba ndi nthenga zake, ndipo udzapeza malo othawira m'mapikomo" (Masalimo 91:4).

Amagwiritsanso ntchito mawu akunkhondo kuti atiuze za chitetezo Chake: "kudzakhala chishango chako ndi lihawo." (Masalimo 91:4 ).

Mafanizo ena akuphatikizapo "pobisala," "mthunzi," "nyumba ya chifumu," "dzanja lamanja"(Masalimo 91:1-2; 17:7-8). Mawu onsewa amalankhula nafe za chitetezo.

Mosakayikira, tili ndi Ambuye amene amatiteteza mu nthawi ya masautso onse. Tiyeni titembenukire kwa iye. Tiyeni tithawire pa mthunzi wake.




# AMBUYE AMAMASULA

“Nyanja inaona ndi kuthawa, mtsinje wa Yorodani unabwerera m’mbuyo” (Masalimo 114:3)

**Chitsanzo cha kumasulidwa chachikulu chimene timachipeza (chimene chimakumbukiridwa mu Masalimo angapo) ndicho kuchoka kwa ana alsrayeli ku Igupto, ndi kulowa kwawo mu Kanani.**



Masalimo 114  
limafotokoza  
mwachidule komanso  
mwandakatulo njira  
imene Mulungu  
anathetsera mavuto  
kuti anthu ake akafike  
mu Dziko Lolonjezano:



Nyanja [Yofiira] inaona Mulungu  
ndipo inathawa(v. 3a)



Mtsinje wa Yorodano  
unabwerera mbuyo (v. 3b)



Mapiri ndi zitunda  
zinadumphadumpha(v. 4)



Monga Mlengi, Mulungu anagwiritsa ntchito mphamvu zake pa chilengedwe kuti amasule anthu ake. Kodi lye sangatichitre ife zomwezo lero?

Paulo amatiuza kuti zinthu izi zidachitika kuti zikhale chitsanzo kwa ife (1 Akorinto 10:1-6). Monga iwo, ifenso tapulumutsidwa ku uchimo mozizwitsa, ndipo ulendo wathu wopita ku Kanani wakumwamba ndi odzadza ndi zoopsa (mapiri ndi zitunda). Koma pamaso pa Yehova “dziko lapansi limanjenjemera” (Masalimo 114:7).

# AMBUYE AMAMVA NDIPO AMALANDITSA

**“Iye atumize thandizo kuchokera ku malo ake opatulika; akugwirizize kuchokera ku Ziyoni” (Masalimo 20:2)**

Ngakhale kuti kachisi (Chihema) anali pa Phiri la Ziyoni (Yerusalem), alsrayeli ankadziwa kuti Mulungu sanali kukhala mmenemo mu kuthupi. Mulungu amakhala kumwamba, “chihema choona, chimene Ambuye anachimanga, si munthu ai.” ( Ahebri 8:2 ) Koma ali kumeneko Iye amamva ndi kupulumutsa ( Masalimo. 20:2; 3:4; 1 Mafumu 8:30).

Pachifukwa ichi, tikoza kufika kwa Iye motsimikiza kuti atidzatimva (Ahebri 4:16). Koma angachite chiyani kuchokera ku malo ake opatulika?

Amapereka chipulumutso(Masalimo 14:7)


Amatiteteza ife ku zoipa(Masalimo 27:5)

Amatipatsa zosowa zathu(Masalimo 36:8)

Ametetezera osowa chitetezo(Masalimo 68:5)

Matilimbikitsa(Masalimo 68:35)

Pamene anthu akhala mu ubale wabwino ndi Mulungu kupyolera mu kulapa ndi kuvomereza chisomo ndi chikhululukiro chake, iwo akhoza kupempha chitsimikiziyo cha Mulungu cha chipulumutso. Utumiki wopatulika unkaimira chipulumutso chopezeka mwa Yesu.



**“Ikani zofuna zanu, chisangalalo chanu, zowawa zanu, nkhawa zanu, ndi mantha anu pamaso pa Mulungu. Simungathe kumulemetsa Iye; inu simungakhoze kumtopetsa Iye. Iye amene amawerenga tsitsi la m’mutu mwanu sanyalanyaza zofuna za ana ake. “Ambuye ndi wodzadza ndi chisoni ndi chifundo.” Yakobo 5:11. Mtima wake wachikondi umakhudzidwa ndi chisoni chathu ngakhalenso zomwe sitikhonza kuzilankhula. Tengerani chirichonse chimene chimasokoneza maganizo inu kwa Iye . Palibe chimene chiri cholemera kwambiri kuti Iye sangathe kuchisenza, pakuti Iye anyamula dziko lonse, ndipo ali wolamulira wa chilengedwe chonse. Palibe kena kalikonse kokhudza mtendere wathu komwe kali kochepa kwambiri kuti Iye sangathe kukazindikira. Palibe zochitika m’moyo wathu zomwe ziri zamdimma kwambiri kuti Iye angalephere kuziwerenga; palibe chododometsa chovuta kuti Iye angalephere kuchimasulira. Palibe tsoka limene lingagwere ana Ake ngakhale laling’no, palibe nkhawa imene ingavutitse moyo, palibe kukondwera, palibe pemphero lochokera pansi pamtima lochokera pakamwa pawo, limene Atate wathu wakumwamba saliona, kapena limene sachita nalo chidwi.”**